



Broj: 07/2-14-2051/19
Vogošća, 24.12.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 24.12.2019. godine donio je

ODLUKU O IZBORU NAJPOVOLJNIJEG PONUĐAČA ZA NABAVKU UGOSTITELJSKIH USLUGA ZA POTREBE OPĆINE VOGOŠĆA

Član 1.

Ponuda ponuđača Ugostiteljska radnja Buffet "A&M" Vogošća, ulica Jošanička broj 80. Vogošća, odabrana je za nabavku ugostiteljskih usluga za potrebe Općine Vogošća (usluga posluživanja pića), kao jedina pristigla ponuda, sa ukupnom cijenom nabavke u iznosu od 35.366,40 KM bez uračunatog PDV-a.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 10.12.2019. godine donio Odluku o pokretanju postupka Konkurentskog zahtjeva za dostavu ponuda za nabavku ugostiteljskih usluga za potrebe Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 11.12.2019. godine pod brojem: 1353-7-2-232-3-172/19.

Tendersku dokumentaciju sa Portala javnih nabavki BiH je preuzelo 6 (šest) ponuđača. Krajnji rok za dostavu ponuda bio je 23.12.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 23.12.2019. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda, i to ponuđača Ugostiteljska radnja Buffet "A&M" Vogošća, broj int. knjige 289/19, sa ponuđenom ukupnom cijenom nabavke u iznosu od 35.366,40 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 07/2-14-2051/19 iz decembra 2019. godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača Ugostiteljska radnja Buffet "A&M" Vogošća ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača Ugostiteljska radnja Buffet "A&M" Vogošća, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača Ugostiteljska radnja Buffet "A&M" Vogošća, za nabavku ugostiteljskih usluga za potrebe Općine Vogošća (usluga posluživanja pića), kao jedine pristigle ponude, sa ukupnom cijenom nabavke u iznosu od 35.366,40 KM bez uračunatog PDV-a.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

1. Ugostiteljska radnja Buffet "A&M" Vogošća
2. Nadležnoj Službi
3. U dosije
4. a/a

mirelamikinumanoVIC@gmail.com

OPĆINSKI NAČELNIK



Edin Smajić